

Sier Alvixe Trivixan fo XL, qu. sier	
Piero qu. sier Baldassare . . .	722.525
† Sier Nicolò Badoer fo Cao di XL,	
qu. sier Orso.	875.410
Sier Francesco Gritti fo a la Terna-	
ria vechia, di sier Domenego,	
qu. sier Francesco.	371.922
Sier Polo Morexini fo podestà a Muia	
qu. sier Zuan Alvise	570.693
Sier Zuan Falier fo Piovego, qu. sier	
Bernardin	428.857
Sier Zacaria Trivixan fo savio ai or-	
deni, qu. sier Beneto el cava-	
lier.	433.850

207 *A dì 25, Luni, fo Santa Catarina.* Fo grandissimo vento et fredo. Introe Avogador di Comun sier Marco Antonio Contarini ditto *da la pallà*, vestito di veludo cremexin, in loco di sier Anzolo Gabriel ha compido, el qual è stà fato per danari.

Vene in Collegio don Alfonso Sanzes orator de l'Imperador, qual molti mexi non è stato, dolendosi che 'l consolo di Cathelani Piero Ram era stà retenuto per debito di tanxe, però che niun consolo vien tanxado per esser persona publica. Et il Serenissimo li disse se suspenderia la cosa, et se intenderia quello vol il dover, nè se li mancheria de iustitia.

Da poi el Serenissimo si dolse che li nostri navili con formenti compradi in Sicilia erano stà retentuti a Otranto contra ogni dover; *unde* a questo esso orator disse nulla sapere.

Vene da poi l'orator de Milan, iusta el solito, per saper de novo.

Da poi disnar, fo Collegio di Savi *ad consulendum*.

Di sier Alvixe Pixani procurator, proveditor zeneral, vene lettere, da Todi, di 16. Come le cose di Camarin erano aquietade, et Sara Colona partito di li, con obstaso però che li ha dà la Duchessa di darli la fia per moier, si non darli ducati 10 milia; la qual non ge la vol dar, si che è contenta de pagar avanti li danari. Et sier Vetur Soranzo era a quella impresa, scrive cussi.

Item, di Siena è partito il principe di Orange dove è stato questo tempo per varir di la malatia havia, et andato al campo in Roma, contra il qual vi andò alcuni cavalli. Scrive zerca danari, et che 'l Capitano zeneral è tornato de li.

Item, lettere di Roma, del Cardinal suo fiol, di

Di campo, da Cassan, di sier Tomà Moro 207 proveditor zeneral*

A dì 26. La matina fo gran fredo, comenzò a nevegare alquanto, ma no andò drio et el vento se aquietò.

Noto. Heri fo mandà a Lazareto uno con la peste in Frezaria, et una dona a San Stai trovà morta in caxa.

Item, per el gran freddo stato sti zorni, morite alcuni furlanti et galioti sotto el portego de San Marco et de Rialto, *etiam* da fame.

Da Parma, di sier Piero da chà da Pexaro procurator, di 24. Come monsignor di Lutrech, di 60 milia scudi voleva da Parma era reduta la cosa in 30 milia, et questo con voler di quelli cardinali è li; et che forniva la citadela in la qual vi metteva el conte Zuan Francesco da Lodron, et *etiam* voleva el simile de danari da Piasenza et levarsi per Bologna. Et come erano zonti do zentilhomeni de Franza, che 'l Re li cometeve andasse avanti a socorrer el Papa, et Soa Excellentia havia ditto «bisogna prima zonzi li lanzinech et me mandi li danari».

Da Cassan, di sier Tomà Moro proveditor 208 zeneral, di 24, hore Come havia pagato fin quì fanti 4500, et come heri li nostri cavalli lezzeri corse verso el monte de Brianza et presero zerca 25 in 30 cavalli de victuarie che andavano in Milano; et che in Milan è grandissima carestia del viver, et manzano pan de farina de meio, et scrive molti mandano in campo dal Governador per salvi-condutti, che voleno levarsi de Milan.

Da poi disnar, fo Pregadi et vene queste lettere:

De Franza, de Paris, del Justinian orator nostro, di 9 di l'istante. Manda lettere haute di Spagna, et colloqui hauti con quelli signori del Conseio zerca el pagar de lanzinech, iustificando la Signoria: et loro disse bisogna se pagi, se non leveremo Lutrech de Italia. Scrive come haveano hautu un poco de suspicion per el mandato a parte se manda in Spagna; ma lui Orator iustificò la cosa che era condizionado, zoè se cussi pareva a la Christianissima Maestà, *unde* restono quieti. Scrive non havia voluto sollicitar el mandar de la decima paga per questa causa etc.

Di Spagna, da Burgos, del Navaier orator, di 28 Octubrio et primo de l'istante, replicate, et di più ringratia la Signoria de ducati 200 li fo donati; et scrive sopra questo.

Di Anglia, del Venier orator, da Londra,